

TIHLAYOHLAYO TA XIBALO TA 2018

Pretoria, Ravumune 20 N'wendzambahala 2018 - Vutameri bya Timali ta Tiko na Vukorhokeri bya Xibalo bya Afrika-Dzonga swi humesile edixini ya vu 11 ya lembe ya Tihlayohlayo ta Xibalo.

Edixini ya 2018 yi nyika nkatsakanyo wa mihlengeleto ya mali ya tiko ya xibalo na vuxokoxoko bya mitlheriso ya xibalo eka malembexibalo ya 2014 ku fikela 2017, ku katsa na malembexibalo ya 2013/14 ku fikela 2017/18.

Hi 2017/18, ro sungula loko ku vi le na xirilo xa misava hinkwayo xa swa timali, nkulo wa mali ya tiko ya xibalo a wu hundzangi nkulo wa GDP. Timhakankulu eka edixini ya 2018 hi leti:

- Mali ya tiko ya xibalo leyi hlengetiweke yi vi le eka ntsengo wa R1 216.5 billyoni, leyi nga nga kula lembe-hi-lembe hi R72.4 billyoni (6.3%) hi ku seketeriwa swinene hi Xibalo xa Malinghena xa Munhu hi Yexe lexi kuleke hi R37.0 billyoni (8.7%):
 - Xibalo xa Malinghena xa Munhu hi Yexe (PIT) eka 38.1%, Xibalo xa Malinghena xa Tikhamphani (CIT) eka 18.1% na Xibalo xa Mixavo (VAT) eka 24.5% hi mpimo swi tshama swi ri swihlovokulu swa mali ya tiko ya xibalo naswona swi na kwalomuya ka 80.7% eka mihlengeleto ya mali ya tiko ya xibalo.
 - Handle ka swiyimo swo tika swa ikhonomi laha GDP yi engetelekeke ntsena hi 1.3% na 7.0% hi ku landzelelana, mpimanyiso wa Xibalo-eka-GDP wu hungutekile switsongo ku suka eka 25.9% hi 2016/17 ku ya eka 25.8% hi 2017/18.
- Eka Kavanyisa ka 2: Nxopaxopo wa PIT, tindzhawu na tihlayo ta vanhu ta mihlelelo ya vahakelaxibalo lava hleleriweke emakumu ka Khotavuxika 2018 wu humesile mimbuyelo yo tsakisa:
 - 2 678 743 (54.7%) wa vahakelaxibalo lava hleleriweke a va ri vahakelaxibalo va xinuna; 2 219 822 (45.3%) a va ri xa xisati.
 - 1 331 419 (27.2%) wa vahakelaxibalo lava hleleriweke a va ri eka malembe ya 35 ku ya eka 44; naswona
 - 1 966 744 (40.1%) wa vahakelaxibalo lava hleleriweke a va tsariswile eGauteng, laha 629 113 wa vona a va tshama eJohannesburg Metro naswona va hakerisiwile xibalo eka nhlayoxikarhi ya malinghena leyi hakerisiwaka xibalo ya R446 838.
- Tihlayohlayo eka Kavanyisa ka 3 ku humesa leswaku ku hundza 24.2% eka 768 687 wa tikhamphani leti hleleriweke hi ti 30 Khotavuxika 2018 eka lembexibalo ra 2016 swi vi le na malinghena leyi hakerisiwaka xibalo ya kahle. 48.3% yo ya emahlweni leyi hakerisiwaka xibalo yi ringana na ziro naswona 27.4% leyi nga sala yi vikile nhlelelo lowu ye ke ehansi;
- Nete ya mihlengeleto ya VAT yi le ka ntsengo wa R289.0 billyoni no kula hi R8.8 billyoni (3.1%) loko ku fananisiwa na lembe leri nga hundza. VAT ya laha kaya, leyi nga na fika eka ntsengo wa R336.3 billyoni no kula hi R14.8 (4.6%), a ku ri xifambisinkulu xa nkulo hinkwawo eka nete ya VAT. Mihlengeleto ya mitundzo ya VAT yi vi le eka ntsengo wa R152.8 billyoni no kula lembe-hi-lembe hi R3.5 billyoni (2.4%). Mivuyiselo ya VAT yi fikile eka ntsengo wa R191.1 billyoni no kula hi 9.5 billyoni (5.2%).
- Kavanyisa ka 4 ku kombisa leswaku hi 2017/18, 76% ya van'waswimawusa lava tirhaka va VAT a ku ri tikhamphani kumbe tikhoporexini to pfaleka. Va hoxile xandla hi 92.0% eka tihakelo ta VAT ta laha Kaya no tihlamulela hi 89.8% ya mivuyiselo ya VAT. Hambileswi vanhu hi voxo (vinyi va mabindzu) va nga 18.4% ya van'waswimawusa va VAT, va hoxile xandla hi 3.1% ya tihakelo ya VAT ya laha Kaya no kuma mivuyiselo ya VAT ya 1.5%.
- Endzhaku ko hlanganana na nchiko eka mihlengeleto hi 2016/17, Ntundzo wa VAT na Swibalo swa Khasitomo swi tiyelerile hi 2017/18, tanihilaha swi hlamuseriweke eka Kavanyisa ka 5. Swi hoxile xandla hi 12.6% na 4.0% eka Ntsengo wa Mali ya Xibalo hi ku landzelelana, leswi fikiseke eka ntsengo wa 16.6%, lowu a wu ri hansi ka nhlayoxikarhi ya 18.3% eka malembe ya ntlhanu lawa ya nga hundza. Avelo wa swibalo leswi eka GDP wu tlhele wu tsongahala wu ya eka 4.2% ku suka eka 4.6% eka malembe ya ntlhanu lawa ya hundzeke, laha mitundzo ya VAT yi nga va 3.2% na Swibalo swa Khasitomo swi va eka 1.0% hi 2017/18.
 - Ntundzo wa VAT ku suka eka tisekithara tinharhu ta le henhla leti hoxaka xandla eka ikhonomi ti endlile ku fikela eka 88.0% wa ntsengo, ku nga sekithara ya Wholesale and Retail Trade, Catering and Accommodation (Tertiary) eka 39.6%, ku landzela ya Manufacturing (Secondary) eka 30.2% na Financial Intermediation, Insurance, Real-Estate and Business Services (Tertiary) eka 18.1%.
 - Mpimo wo katsakanya wa Xibalo xa Nxavisu wa Tinhundzu hi 2017/18 a ku ri 3.2% loko ku fananisiwa na 3.0% ya lembe leri nga hundza. Tinhundzukulu leti nga na mipimo ya xibalo a ku ri Footwear and Accessories eka 22.9%; Hides, Skins and Leather eka 18.0%; Textiles and Clothing eka 16.0%; Food, Beverages and Tobacco eka 11.8% ku katsa na Vehicles, Aircraft and Vessels eka 8.2%.
- Ku hetelela, Kavanyisa ka 6: Mihlengeleto na Swibalo swin'wana swi nyika vuxokoxoko mayelana na Xibalo xa Mbuyelo wa Nxavisu wa Tinhundzu (CGT), Xibalo xa Hundziso wa Tinhundzu, Swikumiwa swa Swicelwa na Mafurha (MPRR), tihakelo ta Nhlanganano wa Khasitomo wa le Dzongeni wa Afrika (SACU) na mivuyiselo ya Dizele. Hi 2017/18, CGT ya R17.6 billyoni yi hlengetiwiwe laha R10.0 billyoni yi nga averiwa vanhu na

tithirasiti naswona R7.6 bilyoni yi nyikiwile tikhamphani. Leswi swi kombisa ntlakuko wo ka wu nga anamangi wa R0.6 bilyoni (3.3%) eka R17.1 billyoni leyi hlengetiweke hi 2016/17. Nhlayo hinkwayo ya R124.8 bilyoni yi hlengetiwile ku sukela ku tivisiwile CGT hi Nhlangua 2001.

Switsariwa swa Tihlayohlayo ta Xibalo ta 2018 ta kumeka eka webusayiti ya SARS na Vutameri bya Timali ta Tiko eka www.sars.gov.za na www.treasury.gov.za

SARS na Vutameri bya Timali ta Tiko va amukela ku angula ka mani na mani na swiringanyeto ku ya emahlweni swi ndlandlamuxa ntirhiso wa nkandziyiso eka nkambelo wa pholisi, no hluvukisa mimbono yintshwa eka xiyimo xa ikhonomi na vanhu va Afrika-Dzonga. Leswi swi nga nyikiwa hi ku tirhisa imeyili yi rhumeriwa eka taxstatistics@sars.gov.za.